

Errugbia Gaur hasiko da Munduko Kopa

Sari handia euskaldunentzat

Lehen aldiz ariko dira Hegoaldeko Puertas, Gallastegi, Astarloa eta Etxebarria

Koldo Alduntzin / Edinburgh
Berriemaile berezia

ORAIN ARTE jokatu diren hiru Munduko Kopatan beti izan dira euskal ordezkariak, eta laugarren honetan ere, hala gertatuko da. Aurrekoetan Ipar Euskal Herrikoak izan ziren, lapurtarrak hain zuzen ere, Frantziarekin. 1987an: Serge Blanco, Jean Condom eta Pascal Ondarts; hirurak Miarritze taldekoak. 1991n: Blanco, Ondarts, Patrice Lagisquet (Baiona) eta Gregorio Laskube (Agen).

Gaur jokoa jarriko den IV. Mundialean Hegoaldekoak izango dira lau ordezkariak, eta Espainia ordezkatzuko dute: Aratz Gallastegi Getxokoa (Getxo Artea), Oskar Astarloa Elorrikoa (Baiona), Aitor Etxebarria Plentziakoa (Grenoblerekin joka lezake), eta Francisco Puertas Ordizikoa (At. San Sebastian).

Hain zuzen ere, Puertas da taldeko jokalaririk arituena, 91 aldiz jokatu baitu Espainiarekin. 35 urte ditu, eta gaztetan Ordizian jokatu ondoren, urte batzuk Madrilgo Canoen eman zituen, eta handik Baionara jo zuen. Han bizpahiru sasoi egin ondoren, azken lauretan Donibane Lohizunen aritu zen. Orain Donostian dihardu, eta Athletic San Sebastian taldeko entrenatzaile-



GARI GARAIALDE

Munduko Kopan ariko diren lau euskal jokalaria.

jokalaria da. 86 kilo ditu, eta 1,86 metro. Bi urte eman ditu selekziora joateko deirik jaso gabe, baina beti izan du Mundiala jokatzeke nahia. Horregatik, gogor jarraitu zuen entrenatzen, eta Donibane Lohizunen jokatzeak mesede egin dio.

Oskar Astarloak 9 aldiz jardun du Espainiarekin, baina ohikoa da Euskadikorekin. Elorrioren hasi zen jokatzen, eta bi denboraldi Getxon egin ondoren, Baionara jo zuen iaz; aurtengoa bigarren sasoi izango da.

Hirugarren lerroan aritua da, baina Baionan bigarren ari da Seguelarekin. 24 urte ditu, 95 kilo eta 1,85 metro. Oskarrek aitortzen du oso tade gogorra dutela, baina partida ederrak egiteko asmoa ere badutela.

Aitor Etxebarria Plentziakoa 8 aldiz aritu da Espainiarekin, baina Euskadi eta Euskarianekin ere ohiko bihurtu da. Hamar urte eman zizkion Kakarraldori, 23 urte ditu, 93 kilo eta 1,89 metro. Iazko denboraldia Oviedon eman zuen, eta

Frantziako Grenoblerekin hitz egiten ari da heldu den sasoiari hantze. Hasieran Baionarekin ere hitz egin zuen, baina lapurtarrek oraindik ez zeukaten finkatua sasoiari. Bizkaitarrak zioen erronka izugarria dela Munduko Kopa jokatzea, baina heldu behar zaiola eta kitto.

Aratz Gallastegi da lauretan gazteena. 22 urte ditu, 71 kilo, 1,73 metro. Espainiarekin 12 aldiz jokatu du, baina aurrekoak bezala, ohikoa da Euskadi eta Euskarianekin. Getxoko gazteekin hasi zen jokatzen, eta talde berean dihardu. Uztartze erdia da, eta postu horretan aritzen da gehienetan. Pertsonalki bildur pittin bat baduela dio Aratzek: «Batez ere, nola erantzun dudana nire kezka nagusia, baina ilusio handia ere badut. Getxotarra penatan da oraindik ezin duelako Euskal Herriarekin jokatu, baina hori lortzen saiatuko dela adierazi zigun.

Oro har, sari bat da laurentzat Munduko Kopa jokatzea. Orain dela lau urte hasi zuten sailkatzeke fasea, eta ahalik eta gehien ikasi nahi dute, maila goreneko jokalarien kontra jokatuta. Horrez gain, partida onak ikusteko ere baliatu nahi dute esperientzia.

Esperientzia eta gogoia

Koldo Alduntzin

Guk dakigula euskal jatorriko zazpi jokalaria ariko dira Mundial honetan: Hegoaldeko lau jokalaria eta Uruguayrekin ariko diren hiru. Haiei buruz berri handirik ez dugu, baina taldean ari dira, eta ondo gainera.

Hegoaldeko laurak hurbiletik jarraitu ditugu, Aitor Etxebarria iaz Oviedon aritu zen arren. Plentziakoak gorputz sendoa du, eta abiadura handia tamaina horretakoa izateko; kontrarioaren aurka gogor sartzen da. Puntu asko egin ditu sasoiari zehar, jaurtiketetan.


Aratz Gallastegiri esperientzia handiko jokalaria da, eta minutu asko jokatu ditu Alfonso Feijoo entrenatzaile denez geroztik. Bizitasuna da bere doai nagusia, eta jokaldia zirtzart hasten du, batez ere zigor kolpe arriskuetsuetan; ausarta da, ez da kokiltzen. Agian, hankako jokoa falta zaio pittin bat.

Puertas da nazioartean gehien jokatu duena. Donibane Lohizunerekin sasoi aparta burutu zuen iaz. Goitikako baloiak ondo jostzen ditu eta, behar denean, ongi gordetzen ditu. Arlorik ahulena agian, kontrarioa bizibizi ez saiestea du.

Astarloak gorantz egin du, nahiz oraindik bidea egiteko duen. Getxon sendotutako oinarriarekin, iaz erakutsi zituen bere doaiak Baionan. Erasoan metro asko irabazten ditu abiadura hartzen duenean. Bistan da esperientzia falta zaiola, batez ere teknikan, baina sasoi dago.

Euskal Herriko lau jokalaria Munduko Kopan

► Francisco Puertas



Francisco Puertas: Ez du azken bi urteotan nazioartean jokatu, baina Italiako azken torneoan parte

hartu zuen eta Uruguay mintzo zen «oso lan ona egiten du aurrean, batez ere uztartzetan eta eskatzetan, Italiari eta Fijiri arazoak sortu zizkien; denei antzeko entreguak egin zizkien. Egia da oinarritzko gauzak egiten dituztela, baina hoiak ondo egiten dituzte».

► Aratz Gallastegi



Espainiak Portugal mendean hartuta lortu zuen sailkatzea, eta gero prestatze-ari ekin zioten: «Batera jo-

katzeko prestatzen aritu ginen gehienbat eta elkar gehiago ezagutzeko. Nolanahi ere, betikoa egin genuen». Jost Van Der Wuihuizen eta Armstrong joku zabaltzaileak izango ditu kontrario Aratzek; bi uztartze erdi izugarri: «Gogorra izango da, izugarria haien kontra jokatzea».


► Aitor Etxebarria



Hego Afrika, Eskozia eta Uruguayren aurka jokatzea erronka latza dela badaki. Italian aritu zen Ai-

tor, eta Uruguayren aurka galdu zuten: «Baina kontuan hartu behar da aurretik Japoniaren aurka aritu ginela, eta zertxobait nekatuta geundela». Bi postutan joka dezake Aitorrek, joku zabaltzaile eta atzeko, baina berak dio «Alfontso esan didanez joku zabaltzaile jokatuko dut

► Oscar Astarloa



Oraindik txapelketa hasi ez dela, taldeko gehienek pentsatzen dute Uruguayri irabazi behar diotela, baina

agian arriskutsua izango daiteke hainbeste itsutzea ideia horrekin. Astarloak, hala ere, badaki aukera bakarra izango dela: «Italian haien kontra jokatu genuen, eta badakigu nola jokatu behar zaion. Haiek aurrean jokatzen dute, eta guk atzean; arlo horretan talde ona daukagu».